

隨州志卷十八

兵事

隨當荆豫之衝號稱用武楚人侵隨迭見春秋南北分疆更爲重鎮明末流寇四起大肆荼毒我

朝廓清海宇長治久安嘉慶初年小醜跳梁未久底定近年粵匪弄潢遂致蔓延山砦忠義之士効力巖疆卒賴皇威遠邇掃淨妖氛從此永慶安堵矣所有歷年兵事例得據事直書以昭紀實

桓公六年楚武王侵隨隨少師有寵楚鬪伯比曰可矣讎

隨州志

卷十八

兵事

一

有釁不可失也夏楚子合諸侯於沈鹿黃隨不會使蕩章讓黃楚子伐隨軍於漢淮之間季梁請下之弗許而後戰所以怒我而怠寇也少師謂隨侯曰必速戰不然將失楚師隨侯禦之望楚師季梁曰楚人上左君必左無與王遇且攻其右右無良焉必敗偏敗眾乃攜矣少師曰不當王非敵也弗從戰於速杞隨師敗績隨侯逸鬪丹獲其戎車與其戎右少師秋隨及楚平楚子將不許鬪伯比曰天去其疾矣隨未可克也乃盟而還

左傳

莊公四年三月楚武王荆尸授師子焉以伐隨王行平於

櫛木之下令尹鬬祁莫敖屈重除道梁澆營軍臨隨隨人懼行成莫敖以王命入盟隨侯且請爲會於漢汭而

還

左傳

僖公十有五年秋七月齊師曹師伐厲

地理志釋厲在德安府隨州北四十

里有厲山厲鄉在山下

僖公二十年冬楚人伐隨隨以漢東諸侯叛楚冬楚鬬穀於兔帥師伐隨取成而還君子曰隨之見伐不量力也量力而動其過鮮矣善敗由己而由人乎哉詩曰豈不

夙夜謂行多露

左傳

隨州志

卷十八

兵事

二

定公五年冬蔡侯吳子唐侯伐楚敗諸雍澁五戰及郢庚辰吳入郢鬬辛與其弟巢以王奔隨吳人從之謂隨人曰周之子孫在漢川者楚實盡之天誘其衷致罰於楚而君又竄之周室何罪君若顧報周室施及寡人以獎天衷君之惠也漢陽之田君實有之楚子在公宮之北吳人在其南子期似王逃王而已爲王曰以我與之王必免隨人卜與之不吉乃辭吳曰以隨之僻小而密邇於楚楚實存之世有盟誓至於今未改若難而棄之何

以事君執事之患不唯一人若鳩楚境敢不聽命吳人

乃退鑪金初宦於子期氏實與隨人要言王使見辭曰  
不敢以約爲利王割子期之心以與隨人盟

左傳

定公六年秦子蒲子虎帥車五百乘以救楚敗吳師於軍

祥秋七月子期子蒲滅唐

左傳

楚武王三十五年楚伐隨隨曰我無罪楚曰我蠻夷也今  
諸侯皆爲叛相侵或相殺我有敝甲欲以觀中國之政  
請王室尊吾號隨人爲之周請尊楚王室不聽還報楚  
三十七年楚熊通自立爲武王與隨人盟而去於是始  
開濮地而有之周召隨侯數以立楚爲王楚怒以隨背

隨州志

卷十八

兵事

三

已伐隨武王卒師中而兵罷

史記世家楚

地皇三年新市人王匡王鳳等北入南陽號新市兵七月  
進攻隨未能下平林人陳牧廖湛復聚眾千餘人號平

林兵以應之

後漢書劉聖公傳

王常爲弟報仇亡命江夏久之與成丹張卬別入南郡號  
下江兵王莽遣嚴尤陳茂擊破之常與丹卬收散卒入  
婁谿劫畧鍾龍間

章懷注隨州隨縣東北有三鍾山

眾復振引兵與荆

州牧戰於上唐大破之

王常傳

大安二年鎮安大將軍新野王歆遣騎□斬滿討張昌於

隨郡西大戰滿敗走晉書張昌傳

王寬下邳人泰始初為隨郡太守值西方反父元謨在□

棄郡歸明帝使隨張永討薛安都寬辭以母猶存在□

為賊所執請得西行遂襲破隨郡斬偽太守劉師念□

其母事平明帝嘉之使圖畫寬形南齊書王元載傳

永元二年冬虜遣桓道福攻隨郡太守崔士招破之魏虜傳

賀拔勝攻梁下澁戍擒其戍主尹道珍等周書賀拔勝傳

賀拔勝出鎮荊州表獨孤信為大都督從勝攻梁下澁戍

破之獨孤信傳

隨州志 卷十八 兵事 四

楊忠宏農華陰人從獨孤信破下澁戍有功後梁武喪敗

其西義陽守馬伯符以下澁城降朝廷因之將經畧漢

沔乃授忠都督三荆二襄二廣南雍平信隨江二郢浙

十五州諸軍事以伯符為鄉導太祖令忠率眾南伐攻

梁隨郡克之楊忠傳

王悅京兆藍田人從楊忠征隨郡安陸平之周書王悅傳

裴果河東聞喜人從楊忠平隨郡以功加大都督裴果傳

梁司州刺史柳仲禮為邊寇泉仲遵從開府楊忠討之梁

隨郡守桓和拒守不降忠謂諸將曰本圖仲禮不在隨

郡如卽攻守恐引日勞師今若先取仲禮則桓和可不  
攻自服諸軍以爲何如仲遵對曰蜂蠆有毒何可輕也  
若棄和深入遂擒仲禮和之降否尙未可知如仲禮未  
獲和爲之援首尾受敵此危道也若先攻和指麾可克  
克和而進可無反顧之憂忠從之仲遵以計由己出乃  
率先登城遂擒和泉企傳

伊婁穆爲襄州長史唐州山蠻恃險逆命穆率軍討之蠻  
酋等保據石窟一十四處穆分軍進討旬有四日並破

之伊婁穆傳

隨州志

卷十八

兵事

五

周法尙字德邁汝南安城人也歸北拜開府順州刺史

胡省

三通鑑注漢東郡順義縣西魏置順州

封歸義縣公陳將樊猛濟江討之

大敗高祖爲丞相司馬消難作亂陰遣上開府段珣率  
兵陽爲助守因欲奪其城法尙覺其詐閉門不納珣遂  
圍之於時倉卒兵散在外因率吏士五百人守拒二十  
日外無救援自度力不能支遂拔所領棄城遁走消難  
虜其母弟及家累三百人歸於陳周法尙傳

建中四年八月乙卯李希烈將曹季昌以隋州降貞元二

年五月李希烈將李惠登以隋州降

唐書德宗紀

伊慎字寡悔初以江西牙兵屬李希烈署漢南北兵馬使不受希烈反嗣曹王臯拔爲大將以功爲安州刺史攻隋州戰厲鄉斬首五千級喻降李惠登卽薦惠登爲刺

史  
傳伊慎

貞元初吳少誠擅蔡徙曹王臯鎮山南東道割隋以益其

軍  
臯曹王傳

乾符四年八月黃巢陷隋州執刺史崔休徵傳宗紀

王仙芝陷隋州執刺史崔休徵山南東道節度使李福遣

其子將兵救隋州戰死福奏求援兵遣左武衛大將軍

隨州志  
卷十八 兵事  
六

李昌言將鳳翔五百騎赴之資治通鑑

光化元年七月朱全忠陷隨州執刺史趙匡璘昭宗紀

朱全忠使氏叔琮進圍隨州執刺史趙匡璘斬首五千級

趙德  
誣傳

唐天祐二年七月王欲伐唐使人諭諸鎮襄州趙匡凝以

爲不可遣楊師厚攻之取其唐鄧復郢隋均房七州五代

史梁  
本紀

宋建炎二年四月壬辰軍賊孫琦焚隨州宋史太祖本紀

三年正月二十七日有北來羣賊數萬人到城下稱是東

平府兵馬鈐轄京東西路統制軍馬孔彥舟城上人齊發礮石弓弩賊眾不敢近當夜遁向隨州去八月十一日復自光州回至德安應山縣城作過再占據隨州九月初一日分遣賊騎侵犯府城城內出兵掩殺初八日賊復回占隨州十一月初一日彥舟又自隨州領人馬至府城下圍繞劄寨

德安守城錄

紹興元年十二月二十日有隨州孫彪人馬三千餘人圍府城二十一日始退離城百步外圍繞是日隨州賊馬去攻復州陷之二年二月二十八日於郡城外焚劫城

隨州志

卷十八

兵事

七

上竭力捍禦出兵掩殺三月初間始退向隨州去

德安守城錄

李成叛歸齊從金兵入寇陷鄧州李道亦棄隨遁成以王

嵩知隨州岳飛復襄陽連復唐鄧州遂磔王嵩

李成傳

四年六月岳飛將牛臯復隨州執偽齊守王嵩磔之

宋史高宗

本紀

岳雲飛養子也年十二從戰多得其力軍中呼羸官人每臨陣手握兩鐵椎重八十觔所向無敵攻隨破鄧功皆

第一飛不以聞

岳雲傳

開禧二年十一月金人破隨州甯宗紀

開禧三年十二月金復破隨州甯宗紀

金章宗太和六年十一月壬午完顏匡取隨州金史章宗紀

嘉定十年夏四月劉世興敗金兵於隨州十一年二月金

人圍棗陽孟宗政權棗陽隨方力拒隨州守許國援師

至白水鼓聲相聞金人奔潰宋元通鑑

理宗端平元年春正月王旻戍隨州全上

端平二年正月元徙大都諸路獵戶戍隨之大洪山舊志

是年元以太子闊帥師命楊惟中於軍前行中書省事克

隨州志 卷十八 兵事 八

宋棗陽光化軍光隨郢復等州及襄陽德安府凡得名

士數十人收伊洛遺書送燕京元史楊惟中傳

秋七月蒙古侵唐州知隨州全子才棄城遁三年五月蒙

古取隨嘉熙元年春正月賞程再暹為閣門宣贊舍人

京西鈐轄知隨州以戰洪山功 淳祐十二年春正月北兵攻

隨 宗 理 紀

紹定三年元兵南侵安隨大擾府志

淳祐十二年二月元兵數萬攻隨郢安復京西馬步軍副

總管馬營率將士戰嚴竇山宋史理宗紀



元世祖至元十二年五月辛巳宋隨州守臣降元史世祖紀

附宋恭帝德祐元年五月辛巳行隨州事傅安國降元

宋以朱端履知隨州事徙治大洪山黃仙洞十二月元

兵破大洪山端履降元仍以端履知隨州即黃仙洞為

治領隨應山舊志

蒙古以申屠致遠為經畧司知事軍中機務多所謀畫師

至隨州所俘男女致遠悉縱遣之宋元通鑑

洪武元年鄧愈為湖廣行省平章大軍經畧中原愈帥襄

漢取南陽隨州降攻下牛心光石洪山諸寨明史鄧愈傳

隨州志 卷十八 兵事 九

七月衛公鄧愈伐隨元右丞王誠降九月入大洪山克老

馬劉寨命白圭為隨州知州舊志

正德七年流賊劉六等遣人掠隨州應山德安騷動府志

崇正八年賊大隊整世王混世王過天星老猢猧西營八

大王曹操凡十一家自安陸北至應山凡五十里東南

至孝感雲夢界西北至隨州應山界凡三百里殺虜無

算府志

崇正八年三月曹文詔敗賊於隨州莊烈帝紀

曹文詔為援勦總兵官擊賊隨州斬賊三百八十有奇曹文

傳詔

附流賊來寇圍遊擊田某於萬家店總兵官曹文詔帥師來救一戰而克殺賊千餘人收還難婦二百餘口隨民感之爲生位於北門樓以祀之是年冬眾賊聚於洪山總兵許成名以兵追之拔其老營賊大潰九年冬流賊北曹操老獬隔里眼八大王等竄聚厲山諸鎮巡撫王揚基統總兵官秦翼明追勦至孤山冲令副將楊世恩領兵三萬作前鋒至三道河賊設伏誘世恩入圍之世恩與其副二人夾河立營各築一土城禦賊賊書

隨州志

卷十八

兵事

十

夜攻不息相持至十三日糧盡揚基翼明轉棗陽檄附近堡人都司何士達餉世恩軍未幾軍陷世恩僅偕騎兵數百人奔出餘殲焉至今風雨之夕往往鬼哭云

舊志

十年春賊陷隨州責副總兵楊世恩戴罪自贖

湯州傳九

二月朔賊張獻忠羅汝才破隨州外南關廂十一日城陷知州王燾死焉翼日監紀張大金暨世恩領兵擊之遂復隨

十一年總理熊文燦新至招降羣寇延安人劉國能自號闖蹋天率先就撫於隨州署爲守備隸良王軍

明史劉

十三年革裹眼左金王等四營豕突隨應麻黃

左良玉傳

十四年四月二十五日賊張獻忠羅汝才又陷隨州平其

城而去知州徐世澐學正詹濤致仕通判蕭鸞翔彰德

同知張士進安州知州張士選諸生沈先約熊嗣光梁

天培等俱戰死

舊志

隨自十年正月陷及是再陷至七月復陷判官余塙死焉

三陷之後城中幾無子遺

徐世澐傳

附守備黃章袞奉委來守因城平無據率兵壘南門樓

隨州志

卷十八 兵事

十一

臺爲堡乃聚衆千有餘人七月二十三日闖賊李自成

突至圍堡誘之降章袞叱之與巡檢陳某蔭生朱藩誓

死守賊攻之不能下乃以巨礮擊之章袞藩陳巡檢與

千餘人同死堡中

判官余公卽以是日死

十五年春巡撫宋一鶴統兵復隨州親祭死難官民於南

門樓下命知州盛世才練總張國威修城浚濠焉

十六年春闖賊復陷隨州以其黨汪鷺爲僞隨州牧

是年總督丁啟睿朱大典閣部楊嗣昌統領京營兵號十

萬追賊至隨之小壩山我兵大捷次日大雨衣甲火藥

盡溼賊四面衝突我兵奮擊如前忽風沙交作大霧四塞兵遂敗績賊縛將士駢戮屍積王家店西白骨嶙嶙鄉人憐而瘞之時中原鼎沸玉石俱焚自李自成走厲山其右隊走安居破長慶堡駐劄運糧會啟睿大典暨保定總督楊文岳收復殘師轉至長慶堡撲勦斬賊千餘級餘賊趨州城合老營既而遁去

考明史諸人本傳嗣昌死於崇正十四年嗣昌死而以啟睿代之然啟睿實未之任十五年七月會文岳於朱仙鎮軍潰南江北職大典遣將援湖北事在崇正十五年其總督河南湖北湖廣雖在十六年然實鎮鳳陽俱不

見所有來隨勦賊事舊志所云不知何據

### 隨州志

#### 卷十八

兵事

十二

十七年六月左良玉遣將惠登相毛憲文復德安隨州

明史

何騰蛟傳

康熙二十七年督標裁兵夏逢龍造反破武漢黃德四郡

黃州四十八寨記

嘉慶元年二月白蓮教匪自棗陽之清潭烏金店三家城等處擾及濃潭之龍王沖

三月初三日竄入州境州屬土匪蔡士偉周成禮乘亂竊發知州張曾勅督同紳士李光耀等帶領鄉勇堵禦殺賊多人餘匪逃竄

六月初五日教匪在隨棗交界之王家城焚燒擄掠是日又有另股教匪在隨陽店滋擾外委余光武舉萬世清武生張四教等率領兵勇馳往接仗斃賊百餘人餘黨退奔棗陽興隆集初八日大股教匪擾近隨州之陳家店張四教帶勇殺賊數百人追賊至棗陽之焦廟鄉勇陣亡八十餘人二十四日總兵慶成帶兵到棗諭令張四教率領義勇幫勦殺賊千餘人文報始達

七月初一日總統永保帶兵赴九里岡與賊接仗初三日追至棗陽焦廟殺賊五十餘人奪獲器械無算賊竄棗

隨州志

卷十八

兵事

十三

陽鍾祥交界處所是日雙河八角廟一帶烟火不絕永總統分兵在柴家廟蒿子岡雙河各處堵禦防勦賊順逃宜昌府去

十二月二十一日賊匪蜂擁至梁家山慶總鎮諭李光耀任述聖隨州分司帶領鄉勇堵禦我兵敗績賊乘勝殺至九里岡生員蕭蕙自請帶勇拒敵遇害是日賊又自西山擾至濃潭焚燒房屋殆盡遂入水城焚掠一空逕赴雙河蟻聚數萬

二年正月初三日賊復到濃潭候選知縣蔣玉珍率勇赴

敵賊不戰而退二十一日賊黨三千餘人又復竄回隨境將過貫莊寨內發礮轟擊斃賊首一名賊怒合圍而攻寨勇死傷無數

二月十八日蔣玉珍在唐縣鎮護守糧臺賊匪自棗陽蜂擁而至鄉勇協力堵禦轉危爲安二十三、四日賊攻萬家店岩子河二十六日賊由童家畷北趨雨壇岡鄉勇堵勦追至祝家店賊由小徑竄入信陽

三月二十八日餘匪滋擾統兵吉札調蔣玉珍赴童子山堵禦我兵全勝賊竄川陝州境肅清

隨州志

卷十八

兵事

十四

咸豐四年三月十八日粵匪由應山縣陷隨州西犯安陸府四月復回竄州境之雙河茅茨畷朱家集濃潭知州楊嘉運督勇迎擊於九里岡之黑虎廟墜馬被創幕友王青綬生員馬漢祥與鄉勇九十餘名同時陣亡

五年四月十五日粵匪四眼狗由德安府陷隨州西安將軍扎拉芬戰歿

將軍諱扎拉芬滿洲鑲藍旗人由侍衛晉副都統充烏魯木齊領隊大臣升西安將軍忠勇過人有智畧以頗牧自任咸豐五年粵匪陷德安奉命赴襄陽會勦時

制軍楊霈退駐棗陽將軍邀赴隨州囑爲後應迎擊於小淅河力戰竟日賊幾退次日五鼓又迎擊於五里舖自辰至酉賊集愈衆而援軍盡散創重自剄至今土人無不傷將軍之死而惜後勁之無繼也

五月初九日賊衆蟻屯馬坪港由南門攻城知州嚴澍森自東門出隊接仗副將劉富成徑出南門堵剿賊驚潰追殺數十名

六月 欽差西凌阿駐營凉水溝斬逃將整軍容賊由郡城來攻營小卻旋檄知州嚴澍森督率州勇數萬由鄉

隨州志

卷十八

兵事

十五

民自備資斧隨同官軍步步爲營迭有斬獲八月二十一日官軍直撲郡城州勇由金泉寺渡河燒搦賊卡進圍西門賊夜遁收復德安府城

六年十一月十一日土匪趙邦璧入城焚州署大南門樓邑人安徽補用知縣蕭慶鏞帶勇堵勦傷亡勇丁二十餘名荆宜施道文輝漢陽營叅將施鴻恩知州崔蘭馨率馬步隊衝擊於通津橋陣斬悍賊數十人賊回洪山

巢穴

十一月二十三日叅將施鴻恩由均川東莊畷攻洪山之

東統帶川勇同知李光榮由安居朱家集攻洪山之北  
二十七日李光榮破賊於朱家集趙邦璧伏誅陣斬賊  
黨二百餘名二十八日破賊於野畝殺賊無算二十九  
日復破賊於靈官埡攻克洪山餘黨悉平

李光榮字定官四州保甯府南部縣庠生粵匪之亂光  
榮捐貲募勇由湖南調赴湖北時省垣再陷圍城攻賊  
者百餘營光榮勇敢過人必當前敵屢獲大捷奉檄援  
隨裹糧卽行至則入山縋險直搗賊堅計入境迄破賊  
方十三日耳咸豐七年正月移營宜昌府勦賊陣亡隨

隨州志

卷十八

兵事

十六

民建祠祀之

十一年二月二十三日粵逆范立川陷隨州盡拆城外民  
房爲日久盤踞計三月初一日邑人花翎都司戴曜堂  
督帶鄉勇攻賊於北門外鏖戰終日力竭陣亡外委潘  
承恩與紳勇一百餘人同歿於陣候補道劉嶽昭奉檄  
進勦用劉維楨計誘賊十月初一日克復州城城內民  
房焚燬幾盡

同治元年閏八月初五日粵逆僞扶王統衆十餘萬由棗  
境陷隨州西南村鎮擄掠一空十一日由安居均川古



城畷竄京山縣

九月初二日僞扶王回竄州西境之雙河茅茨畷新陽店  
濃潭由唐縣鎮天河口罐兒口竄桐柏縣知州馬元驤  
糾集邑紳程子瓚黃克賢等募勇登陴城外駐總兵沈  
俊德三營別股竄應山縣之僞啟王亦由隨東北出境  
與僞扶王會

二年八月二十七日捻匪張總愚由棗境入隨知州潘亮  
功商同邑紳羅榮緒童啟堂等分段守城賊自安居擾  
近城外見守備嚴密東竄淅河總兵趙克彰沈俊德追

隨州志

卷十八

兵事

十七

及蝦蟆岡接戰失利

十一月十九日捻匪張總愚由北境小林店分掠東西北  
三鄉十二月二十七日州城四面皆爲賊踞總兵沈俊  
德遊擊彭怡盛鄧榮升共兵千名協守雪深數尺外援  
不至賊踪滿野至三年二月初一日始竄厲山唐縣鎮  
吳山二十日提督成大吉總兵趙克彰沈俊德楊長林  
追勦於耙山砦我師敗績賊竄河南鄧州

三年三月二十七日捻匪糾合粵匪僞啟王賴汶洸回竄  
州境四月初三日據濠瞰城圍攻半日遊擊彭怡盛一

營駐防協同鄉勇冒雨禦敵炮斃賊匪多人賊仍圍攻不退初四日僧親王援軍突至士卒勺水未入行裝未卸當卽開仗獲勝城圍解歲初五日邸帥親督大軍再戰於紅土巖金家屯斬獲無算大挫逆鋒賊由安陸縣東竄

科爾沁親王僧格林沁家世蒙古部長也以 天家之戚供職 內廷爲 御前領侍衛內大臣赤面廣額器宇英偉親寵異於諸藩咸豐三年粵匪竄擾天津王以欽差大臣督兵出勦追賊至馮官屯築塹圍攻羣賊數

隨州志

卷十八

兵事

十八

萬無一漏網由是威名大震南寇喪膽不敢飲馬黃河同治四年豫楚告警王自請攜帶滿蒙勁旅誓平羣寇每戰必身先士卒甘苦與同故所向有功隨州之役王師稍緩時日事無濟矣旌麾一指鼠竄狼奔白叟黃童焚香遮道是王之有德於隨更大而隨民感王之德者更深也奈貪狼未息大星遽殞同治五年王追賊至山東曹州力竭援絕竟至馬革裹屍天下無不痛惜之朝廷震悼輟朝恩禮有加具在 國史不贅

同治六年三月二十八日粵捻合股由鍾祥京山擾及隨

屬之朱家集安居茶菴肆行焚殺城內戒嚴適值陝甘  
總督左宗棠帶兵過境賊東竄應山縣

七年邸抄六月二十八日賊在山東荏平縣被官軍全數  
殄滅州境解嚴

隨州志

卷十八

兵事

十九